

BE.259. SAI BETA MA TONDINGKU (Ab=1)

=====

BE. 259. SAI BETA MA TONDINGKU

1. Sai beta ma tondingku Tumopot surgo i
Saleleng ho di toru Ndang sonang rohami
Disi partuaonmu Disi do ingananmu
Disi ma sonang ho Ipe tu surgo do.
2. Na mangaliliani Tostosi ma sude
Ai nunga dihopi Tuhanta hita be.
Ai nunga ditaluhon Do dosa hamatean
Lao paluahon ho Ipe tu surgo do.
3. Di ginjang do Amanta Parhuasian i
Ditatap do tondinta Sai naeng ma sonang i
Dilehon do ulosna Tinonun ni AnakNa
HatigoranNa i Sai topot surgo i.
4. Malungun do rohangku O Jesuski di Ho
Marhabonghabong ahu Nian tumopot Ho
Mardomu dohot dongan Tumpak marhasonangan
Mamuji goarMi Tongtong di surgo i.
5. Tu Ho do huparguru Na hupangido i
Ho ma haholonganku HataM oloanki
Sai Ho ma tataponku Paimahon pandokkonMu
“Bongoti surgo i Tu hasoaganMi.”